

# HAMNELEIGEKONTRAKT

Med heimel i § 17 i ”Lov av 6. juni 1975, nr. 31, om utnytting av rettar og lunnende m.m. i statsallmenningane”, leiger Lom fjellstyre bort tamreinbeite til Lom Tamrein AS på dette arealet, og etter desse vilkåra:

1. Arealet omfattar heile Leir- og Bøverdalen statsallmenning med Smådalen , samt den delen av Vårdalen statsallmenning som ligg sør for Otta elv.  
For sommarbeite gjeld likevel desse avgrensingane i arealet: Sommarbeitet omfattar dei delane av statsallmenningane som ligg sør for ei line trekt frå det punkt i allmenningsgrensa der Rindbekken kryssar heradsgrensa mellom Lom og Vågå, mot vest over Heranoshø-Smådølshø-Trollsteinhø til der allmenningsgrensa kjem inn på Gokkeroksla. (Sjå kart).
2. Dei områda som ligg nord for lina som er nemnt under pkt.1, kan ikkje beitast i tida 1.5. - 30.09. Unnateke er Smådalen vest for nordre Grotåa, som kan nyttast som kalvingsplass fram til 5.6. Fjellstyret tek atterhald om – uhindra av denne kontrakt – å regulere og påvise hamning til dei husdyr som har beiterett i vedkomande allmenning.
3. Dette beiteløyvet gjeld ei tamreinstamme på maksimum 3.000 dyr i produksjonsflokk. (Vinterflokk).
4. All skade som oppstår i og utanfor beiteområdet i samband med tamrein, er Lom Tamreinlag sitt ansvar.
5. Hamneleiga fylgjer prisen på reinskjøt etter fylgjande forhold: For den reinen som laget har i produksjonsflokk, dvs. talet på rein etter vinterslaktinga, skal den årlege leiga utreknast slik:  $\text{kr.}[(2,1 \times \text{antal dyr} \times \text{heilvektsprisen pr. kg. kjøtt levert slakteplass, rekna etter gjennomsnittspris for siste års slakting}) + \text{eit fast beløp på } 87\,831 \text{ pr. januar } 2023]$ . Det faste beløpet skal årleg korrigrast basert på kpi for januar det året leiga skal betalast. For oppgjer i 2024 vert altså endring kpi frå januar 2023 til januar 2024 lagt til grunn for utrekninga av det faste beløpet.

Kostnader som er direkte knytt til slakteutøvinga på slakteplassen kjem til fråtrekk ved utrekning av «*heilvektspris levert slakteplass*». Utgifter knytt til marknadsføring, slakteanlegg/bygningar, inventar- og utstyr, andre faste installasjonar og eigne lønnskostnader skal ikkje reknast med. Kostnadane skal spesifiserast og synleggjerast ved utarbeiding av grunnlag for utrekning av beiteleige.

Leigepriisen gjeld for avtaleperioda. Etter 3 og 6 år kan partane forhandle om ny pris.

Leigesummen skal ukravd betalast med kr. 75.000,- pr. 1.2. kvart år, og resten innan 1.5. kvart år.

6. Ved teljing, merking og slakting av rein tek fjellstyret atterhald om rett til å vera representert med ein person for kontroll. Fjellstyret skal varslast før slikt arbeid skal utførast.
7. Tamreinlaget pliktar til kvar tid å halde ettersyn med dei reinstrøer og gjerder dei har i det leigde området, slik at desse vert godt vedlikehaldne og ikkje er til fare for bufe

eller annan ferdsel. Det skal til kvar tid vera reint og ryddig ved reinstrøer, hytter og slakteplassar.

8. Tamreinlaget skal ha rett til å reise flyttbare anlegg for merking av kalv på dei stadene der det er naudsynt, men Lom fjellstyre skal varslast på førehand. For reising av hus og andre meir varige anlegg eller bygging av vegar og liknande, må tamreinlaget ha løyve frå Statskog SF. For nødvendige installasjonar og anlegg innanfor grensene for nasjonalparken må tamreinlaget innhente særskilde løyve frå forvaltningsstyresmakta for nasjonalparken.

Dei fast tilsette gjetarane i tamreinlaget skal ha rett til å nytte snøscooter under sitt arbeid med reinen. Dersom det utover dei fast tilsette er behov for å leige ekstra mannskap med snøscooter eller anna motorisert framkomstmiddel, skal fjellstyret varslast i kvart enkelt tilfelle. Tamreinlaget får rettighetshavers løyve til å nytte drone i den daglege drifta, og helikopter i samband med samling og inntak.

Tamreinlaget er ved motorferdsel i utmark sjølv ansvarlege for at det føreligg nødvendig heimel i lov, forskrift eller løyve frå nødvendige forvaltingsorgan

9. Tamreinlaget pliktar å påleggje gjetarane å vera påpasselege i sitt arbeid, slik at dei som nyttar seterbeite eller andre driftsmåtar i fjellet, ikkje vert påført skader eller ulemper av tamrein.
10. Utleigetida er 10 år frå den 1.1.2024 og avløyser kontrakt av 27.2.2014 om dette beiteområdet. Lom Tamreinlag kan i leigetida seia opp denne kontrakta med eitt -1- års varsel. Fjellstyret vil ha rett til å ta opp forhandlingar om ei endring av dei andre punkta i avtala etter tre og seks år.
11. Tamreinlaget kan ikkje drive framleige av beite.
12. Dersom tamreinlaget av ein eller annan grunn går til avvikling, eller avhendar faste installasjonar som anlegg eller hytter, skal fjellstyret ha fyrsteretten til ei eventuell overtaking av desse etter takst.
13. I tilfelle misleghald av, eller tvist om forståinga eller tolkinga av avtala, skal tvisten søkjast avgjort gjennom utanrettsleg mekling i ei nemnd med tre medlemmar, der kvar av partane oppnemnar ein representant, og den siste representanten skal være ein sertifisert meklar, godkjent av advokatforeininga.

\_\_\_\_\_den \_\_\_/\_\_\_2023

\_\_\_\_\_den \_\_\_/\_\_\_2023

\_\_\_\_\_  
for Lom Tamrein AS

\_\_\_\_\_  
for Lom fjellstyre